



Elkartasun

tantak

Tigrayrekin

Gotas de  
solidaridad  
con Tigray



Colabora  
Parte hartu

ETIOPIA  
**utopia**  
·TIKAL  
FUNDACIÓN·FUNDAZIOA

## Nor gara?

Etiopia Utopia Tikal Fundazioa, FEU, **irabazi asmorik gabeko erakundea** gara, akonfesionala eta independentea, nazioarteko garapenerako lankidetzaren esparruan lan egiten duena

**Tigray eskualdean egiten dugu lan**, Etiopiaren iparraldean, komunitate eta kolektibo behartsuenen bizi-baldintzak hobetzeko.

## Norekin egiten dugu lan?

**Tigrayn, komunitate eta kolektibo behartsuenekin**, elkarrekiko errespetutik eta lankidetzatik abiatuta, toki-administrazioen babesarekin. Era berean, tokiko bazkideak inplikatzeko ditugu, eta haiekin elkarlanean aritzen gara proiektu guztiak aurrera eramateko.

**Euskal Herrian, gizarte osoarekin**, beste eskualde behartsuago batzuetan dauden errealitateen kontzientzia kolektiboa har dezan, eta munduko desberdintasunen gaineko sentsibiltate eta erantzukizun handiagoa sor dadin. Horretarako, **boluntariora-oinarri** sendo bat dugu, garatzen ditugun proiektu eta jardura guztietan laguntzeko prest dagoena.

## Egitasmo motak

**Hamaika urte** baino gehiago daramagu hainbat arlotako proiektuetan lanean.

**Emakumeak eta haurrak dira biztanleria-talderik ahulenak eta pobretuenak**, eta, horregatik, ugalketa-osasuna hobetzera eta emakumeen benetako ahalduntzea lortzera bideratutako proiektuak babesten ditugu.

Etiopia Utopian uste dugu **hezkuntza garapenerako oinarria dela**; horregatik, egitasmoetan oso garrantzitsua da ezagutzak trukatzeko, bi norabideetan.

Gure proiektuetako bat da **osasun-azpiegiturak** ematea, eta **hilekoaren** gaineko tabuak eraisten laguntzea, **neska-mutilen** arteko **aukera berdintasuna bermatzeko**. Eskoletatik abiatzen gara komunitatetara iristeko.

**Mekelle eta Wukro ospitaleekin** eta **Tigrayko osasun departamentuarekin** ere lan egiten dugu, bertako herritarrek jasotzen duten osasun-arreta hobetzeko.

**Higaduraren eta ur faltaren aurkako borroka** da kezkatzen gaituen eta lantzen dugun beste puntu bat. Tigray eskualdeak klima erdi idorra du eta aldaketa klimatikoaren arazoari aurre egin behar dio. Eskualdeko ibaien egoerak herritarren elikadura-segurtasunari eragiten dio, izan ere, higadurak urtero ereiteko lurra hondatzen ditu.

**Hezkuntzaren kalitatea** arazo bat da, eta landa-eremuetako bi eskoletan euri-ura biltzeko proiektuaren bidez, uraren kalitatea hobetzen saiatzen gara.


Herrietako inguruneetan ur-iturrietara iristea zaila denez, komunitatearekin eta tokiko GKEekin lankidetzan, **ura biltegitratzeko tankeak** eraikitzen dira, geletako teilatuetatik kanalizatuta, eta, ondoren, plastiko botilen bidez, ura eguzkitik desinfektatzeko tratamendua egiten da. Proiektua osatzeko, **komun lehorrak eraikiko** dira. Arreta berezia eskainiko zaio higiearen sustapenari eta hilekoaren higie-programari.

Azkenik, **kirola** oinarritzko alderdi bat da pertsona ororen bizitzan; horregatik, materialerekin eta elikadurarekin laguntzen dugu Wukroko atletismo-taldea; neska-mutilez osatutako hirurogei haur eta gaztek parte hartzen dute.

## Egungo egoera eta proiektu berriak

Fundaziotik zuregana jotzen dugu, zuzenean eragiten digun egoera baten berri emateko asmoz.


**Pasa den azaroaz geroztik, Tigray eskualdea gerra odoltsu batean murgilduta dago, eta gerra hasi eta 6 hilabetera, 60.000 errefuxiatu baino gehiago ditu Sudanen, milaka desplazatu eskualdean eta lau milioi pertsona inguru premiazko laguntza humanitaria behar dutenak.**



### Ur eta osasun proiektua Diniwaden

Helburua da Diniwade landa-eremuko familiei ura kamioien bidez ematea eta, aldi berean, duintasun-kitak banatzea. Kit horiek materiala dute, inguruko neska eta emakumeek hilekoaren higiene egokia izan dezaten. Proiektu horretarako 50.000 euro bideratzea lortu da oraingoz, eta 6.350 familia hartzen ditu, 2021eko martxotik abuztura bitarteko aldi bat estaliz.

**20.000€ behar dira oraindik.**



### Ur edangarria eta osasuna bultzateko proiektua Messanun

Helburua da ura edangarri bihurtzeko materiala ematea Messanuko landa-eremuko familiei, eta, aldi berean, duintasun-kitak banatzea. Proiektu honetarako 25.000€ lortu dira oraingoz, eta 1.850 familia hartzen ditu barne, 2021eko martxotik abuztura bitarteko aldia betez.

**20.000€ behar dira oraindik.**



### Haziak erosteko proiektua Kilte Awlaelon

Gerra hain bizia ez den zonaldeetako familia nekazariak ekainean hasiko den kanpainan beren soroak erein eta elikatze aukera izan dezaten. Woreda Kilte Awlaeloko landa-eremuetako 1.440 etxeri laguntzea du helburu.

**Proiektuak 30.000€-ko finantziazio-beharra du.**

Fundazioan, lankidetzeta-proiektuetan ari ginen lanean, baina, egoera berria dela eta, **laguntza humanitarioko proiektuetan** ari gara buru-belarri. Fundazioaren ekintzak gidatu dituzten jarduera-printzipioei jarraituz, ura eta higiena sustatzearekin eta landa-inguruneetan familiei laguntzearekin lotutako proiektuetan zentratzen gara, arreta berezia jariz neskei eta emakumeei.

**Gatazka hasi zenetik, honako behar hauek azaldu dizkigute:**

# Nola lagundu

Etiopia Utopia Fundaziotik lanean jarraitzen dugu proiektu guztiak aurrera eramateko behar diren baliabideak lortzeko eta bertako familiei laguntzeko, horiek baitira gerra krudel honetan gehien sufritzen ari direnak.

Enpresa solidarioa bazarete eta lagun nahi baduzue, hain bat modutan egin dezakezue:

## Dohaintzak

Dohaintza bat egitea nahiago baduzu, jarraian kontu zenbakiak aurkituko dituzu.

- **Kutxabank** Fundación Etiopia Utopia  
ES27 2095 5001 00 1063671571
- **Caja Laboral** Fundación Etiopia Utopia  
ES61 3035 0060 41 0600140005
- **Bizum** 01025 kodea
- **Paypal**-rekin eta kreditu-txartelarekin  
dohaintzak egin ditzakezu  
[www.etiopiautopia.org](http://www.etiopiautopia.org) webgunetik.



## Ekarpen ekonomikoak

Partikularrek eta enpresek ekarpenak egin ditzakete unean-unean, Etiopia Utopia Fundazioari laguntzeko.



## Ondasun edo zerbitzuak

Enpresako zerbitzu edo produktu batzuk dohaintzan emanez fundazioaren kostuak murriztea da.



## Zenbait ekintza zehatz

Zenbait ekitaldi edo ekintza zehatz babestuz parte har daiteke



## Korporazioko boluntarioritza

Langileen taldeko pertsonak boluntario gisa parte har dezaten eta Etiopia Utopiaren ekimen batzuei beren talentua eta denbora eskain diezaieten zenbait jardura sustatzea da.




## Sustapena/Hedapena

Enpresak komunikatzeko erabiltzen dituen bideetatik Fundazioak betetzen dituen zereginen berri ematea da: Buletinetan, sare sozialetan, blogetan...

Mila esker!

# Yakaniele!



# Harremanetan jarri gurekin

**Fundación ETIOPIAUTOPIA Fundazioa TIKAL**

Mikeletegi Pasealekua, 54, Pta 0, Of. 5,  
20009 Donostia, Gipuzkoa.

Tlf: (+34) 943 005 863

info@etiopiautopia.org

[www.etiopiautopia.org](http://www.etiopiautopia.org)



**ETIOPIA**utopia  
FUNDACIÓN · FUNDAZIOA · TIKAL



Enaitz Sempereña - Atitud4 Photography